

ხელშეკრულება # 60-7-223-307

ქ. თბილისი

31 მაისი, 2023 წ.

I. მხარეები

1.1 წინამდებარე ხელშეკრულება დადებულია 2023 წლის 31 მაისს, ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი წარმოდგენილი მისი დირექტორის შესყიდვებისა და ლოგისტიკის საკითხებში, დირექტორთა საბჭოს წევრის გიორგი გელაშვილის (მინდობილობა #221356227) სახით და მეორეს მხრივ შპს „კავკასუს მოტორსი“ (შემდგომში – „მიმწოდებელი“) შორის, წარმოდგენილი მისი დირექტორის გიორგი ამაშუკელის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

- 2.1. „მიმწოდებელი“ ვალდებულია „შემსყიდველს“ მიაწოდოს Mitsubishi-ის ტიპის ა/მანქანის (Mitsubishi L200, სახ. №BK-602-BB) ტექნიკური მომსახურება (სერვისი სათადარიგო ნაწილებით, CPV 50100000) დანართი #1-ის (ფასების ცხრილი) შესაბამისად.
- 2.2 დანართი #1 წარმოადგენს წინამდებარე ხელშეკრულების განუყოფელ ნაწილს.
- 2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის 10¹ მუხლის მე-3 პუნქტის თ) ქვეპუნქტის შესაბამისად.

III. ღირებულება და ანგარიშსწორების პირობები

- 3.1 Mitsubishi-ის ტიპის ა/მანქანის (Mitsubishi L200, სახ. №BK-602-BB) ტექნიკური მომსახურების (სერვისი სათადარიგო ნაწილებით) სახელშეკრულებო ღირებულება შეადგენს 3,032 (სამი ათას ოცდათორმეტი) ლარს დღგ-ს ჩათვლით (შემდგომში – „ხელშეკრულების ღირებულება“).
- 3.2 ანგარიშსწორება განხორციელდება ეტაპობრივად, ფაქტიურად გაწეულ ტექნიკურ მომსახურებაზე (სერვისი სათადარიგო ნაწილებით) მიღება-ჩაბარების აქტის გაფორმებიდან და საგადასახადო ანგარიშფაქტურის წარმოდგენიდან 8 (რვა) სამუშაო დღის განმავლობაში.
- 3.3 ანგარიშსწორება განხორციელდება ლარში უნაღდო ანგარიშსწორების ფორმით.

IV. მხარეთა უფლება-მოვალეობები

- 4.1. „მიმწოდებელი“ მოვალეა გაუწიოს „შემსყიდველს“ ა/მანქანის ტექნიკური მომსახურება (სერვისი სათადარიგო ნაწილებით) წინამდებარე ხელშეკრულების პირობების შესაბამისად.
- 4.2 „მიმწოდებელი“ ვალდებულია ხელშეკრულებით გათვალისწინებული ტექნიკური მომსახურება (სერვისი სათადარიგო ნაწილებით) განახორციელოს ხარისხიანად და არსებული სტანდარტების შესაბამისად.
- 4.3 „შემსყიდველი“ მოვალეა:
- 4.3.1 ხელშეკრულებით გათვალისწინებული პირობების თანახმად გადაიხადოს ტექნიკური მომსახურების (სერვისი სათადარიგო ნაწილებით) ფაქტიურად გაწეული ტექნიკური მომსახურების (სერვისი სათადარიგო ნაწილებით) ღირებულება;
- 4.4 „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი ტექნიკური მომსახურების (სერვისი სათადარიგო ნაწილებით) მიმდინარეობის შესახებ.
- 4.5 საგარანტიო ვალდებულებები ავტომობილებზე

1. საერთო პირობები

დიდი გარანტიის იძლევა ავტომობილის შეუფერხებელ მუშაობაზე მათთვის განსაზღვრული საგარანტიო ვადის განმავლობაში და ვალდებულებას იღებს ნებისმიერი საწარმოო დეფექტის აღმოფხვრაზე ყოველგვარი ანაზღაურების გარეშე საგარანტიო ვადის პერიოდში.

საგარანტიო ვალდებულებები არ ვრცელდება ბუნებრივი ცვლით გამოწვეულ დეფექტებზე, არასწორი ექსპლუატაციით ან სერვისით, აგრეთვე ავტომობილის კონსტრუქციაში Mitsubishi -სთან შეუთანხმებელი ცვლილებების შეტანით გამოწვეულ დაზიანებებზე.

2. საგარანტიო ვადა

Mitsubishi -ის ავტომობილებზე დადგენილია შემდეგი საგარანტიო ვადები:

საგარანტიო ვადის ათვლა იწყება ავტომობილის კლიენტისათვის გადაცემის მომენტიდან (მიღება- ჩაბარების აქტის გაფორმება), რომელიც ფიქსირდება სერვის წიგნაკში და მოწმდება დილერის ბეჭდით. გარდა ამისა სერვის წიგნაკი უნდა შეიცავდეს სადილერო ცენტრის ბეჭდით დამოწმებულ აღნიშვნას გაყიდვის წინა მოსამზადებელი სამუშაოების ჩატარების შესახებ. ამ მონაცემების გარეშე, ისევე როგორც სერვის წიგნაკის გარეშე, პრეტენზიები გარანტიაზე არ მიიღება და არ განიხილება.

Mitsubishi -ის ავტომობილებზე საგარანტიო ვადა განისაზღვრება 3 (სამი) წელი ან 100 000კმ გარბენით (რომელიც პირველი შესრულება).

3. საგარანტიო ვალდებულებების შესრულების პირობები

სს „სსე“-ის საკუთრებაში არსებული Mitsubishi-ის ტიპის ა/მანქანის (Mitsubishi L200, სახ.№BK-602-BB) ტექნიკური მომსახურების (სერვისის სათადარიგო ნაწილებით) შესყიდვა. „მიმწოდებელი“ შპს „კავკასუს მოტორსი“.

ავტომობილის მუშაობაში რაიმე სახის შეფერხების გამოვლენისთანავე მფლობელი ვალდებულია მიმართოს დილერის სერვის ცენტრს, მათი აღმოფხვრის მიზნით. ავტომობილი საგარანტიო რემონტზე მიიღება თუ მფლობელი დაზიანებულ ავტომობილთან ერთად წარმოადგენს შემდეგ დოკუმენტებს: ავტომობილის ტექნიკურ პასპორტს, სერვის წიგნაკს სათანადო აღნიშვნებით, რომ ავტომობილს გავლილი აქვს რეგულარული სავალდებულო ტექნიკური მომსახურება დილერის სერვის-ცენტრში.

გარანტია გულისხმობს საწარმოო დეფექტის მქონე კვანძებისა და აგრეგატების რემონტს ან შეცვლას (შეკეთების შეუძლებლობის შემთხვევაში), მათ მონტაჟთან/დემონტაჟთან დაკავშირებულ უფასო მომსახურებას, გარდა იმ შემთხვევებისა, როცა დეფექტები გამოწვეული იყო ავტომობილის არასწორი ექსპლუატაციით და ავტომობილის კონსტრუქციაში დილერის ნებართვის გარეშე ცვლილებების შეტანით.

ავტომობილის საგარანტიო ვადა არ არის დამოკიდებული საგარანტიო სამუშაოებზე.

თუ ორიგინალი ნაწილი შეიცვლება ავტომობილის საგარანტიო პერიოდში, მაშინ მისი საგარანტიო ვადა იწურება ავტომობილის საგარანტიო ვადის დასრულებასთან ერთად.

ავტომობილის გაუმართაობით (საგარანტიო პერიოდში) გამოწვეული ის ძირითადი ხარჯები, როგორიცაა: სხვა ავტომობილის საიჯარო ქირა, ევაკუაციის ხარჯები, პირდაპირი ან არაპირდაპირი ფინანსური დანახარჯები და სხვა, არ ანაზღაურდება.

4. საგარანტიო ვალდებულებების შეუსრულებლობა

საგარანტიო ვალდებულებები ძალას კარგავს შემდეგ შემთხვევებში:

I. თუ ავტომობილი არ გადიოდა ტექნიკურ მომსახურებას რეგულარულად, ან საერთოდ არ გაუვლია დილერის სერვის ცენტრში (სერვის-წიგნით გათვალისწინებული სამუშაოები);

II. თუ ავტომობილს სერვისი და რემონტი გავლილი აქვს არასადილერო სერვის-ცენტრში;

III. თუ ავტომობილში იქნა დამონტაჟებული დეტალები (კვანძები, აგრეგატები) ან მის კონსტრუქციაში შეტანილ იქნა Mitsubishi -ის მიერ არა ნებადართული ცვლილებები (სერიული საბურავების შეცვლა არაორიგინალით, სერიულ ელექტრულ წრედში – სიგნალიზაციის, აუდიოსისტემის, ცენტრალური გასაღების, მინების ელექტრო ამწეების, და სხვა მსგავსი ელ-სისტემების მიერთება-დამონტაჟება – რომლებიც არ წარმოადგენენ სერიულ ერთეულებს და არ გააჩნიათ კონკრეტულ ავტომობილზე გამოყენების სერთიფიკატი, ან თუ აღნიშნული ცვლილებების შეტანა მოხდება არასადილერო ცენტრში);

IV. თუ დეტალის დაზიანების მიზეზს წარმოადგენს: ავტომობილის ექსპლუატაცია გადაჭარბებული დატვირთვით, Mitsubishi -ის ნებართვის გარეშე ტუნინგის ხასიათის ცვლილებების განხორციელება (მათ შორის ძარის ელემენტების, აგრეგატების, ტრანსმისიისა, დაკიდებისა და სხვა), საექსპლუატაციო წესების და სერვის-წიგნაკით გათვალისწინებული ავტომობილის მომსახურების წესების დარღვევა;

V. თუ ავტომობილის დეფექტურობა გამოწვეულია ბუნებრივი ცვეთით, განსაკუთრებით ავტომობილის ინტენსიური ექსპლუატაციისას, რაც არ შეიძლება ჩაითვალოს საწარმოო დეფექტად.

VI. თუ ავტომობილის ცალკეული დეტალის, კვანძის ან აგრეგატის დაზიანების მიზეზს წარმოადგენს გარეგანი მექანიკური ზემოქმედება, (მაგ: გზის საფარის უვარგისობა – კენჭები, ქვიშა, ქიმიური ნივთიერებები ან ტექნიკური მარილი, რომლებიც გამოიყენება გზის საფარის გაყინვის საწინააღმდეგოდ) ან Mitsubishi -ის სერვის-ცენტრის ნებართვის გარეშე ავტომობილის კვანძებში, აგრეგატებში თუ მექანიზმებში ცვლილებების განხორციელება მძღოლის ან სხვა პირის მიერ.

5. სამუშაოთა ნუსხა, რომლებზეც გარანტია არ ვრცელდება:

- დიაგნოსტიკასთან დაკავშირებული ყველა სამუშაო;
- საბურავების შესაბამისობა და დამონტაჟების კუთხის რეგულირება, საბურავების ბალანსირებასთან დაკავშირებული სამუშაოები;
- საწვავის დანახარჯის დადგენა;
- ძრავის მუშაობის რეგულირება-კორექტირება;
- კარებისა და ლუქის საბურავების სტანდარტული მდებარეობის შესწორება-რეგულირება, მათ მთელ პერიმეტრზე დაშორებების შემცირება სალონში ხმაურის შემცირებისაგან ადკვეთის მიზნით;
- ფარების განათების კუთხეების რეგულირება;
- საწვავის ავზის, მილგაყვანილობის, საწვავის ტუმბოს, მფრქვევანების და საწვავის სისტემის სხვა ნაწილების გაწმენდა.

6. Mitsubishi -ის ავტომობილების სათადარიგო ნაწილების ნუსხა, რომლებზეც გარანტია არ ვრცელდება:

- ანთების სანთლები და მფრქვევანები;
- გახურების სანთელი;
- ელექტრო სენსორები;
- მცველები და რელეები;
- სამუხრუჭო ხუნდები და დისკები;
- გადაბმულობის ამყოლი და მიმყოლი დისკები (ფრიქციონები) მიმწოლი მუფტით;
- ზეთის, ჰაერის, სალონის და საწვავის ფილტრები;
- ძრავის ღვედები და მათი რგოლები დამჭიმებით;
- ჩოხალები და შუასადებები;
- მილისები და საყრდენი რეზინები;

სს „სსე“-ის საკუთრებაში არსებული Mitsubishi-ის ტიპის ა/მანქანის (Mitsubishi L200, სახ.№BK-602-BB) ტექნიკური მომსახურების (სერვისის სათადარიგო ნაწილებით) შესყიდვა. „მიმწოდებელი“ შპს „კავკასუს მოტორსი“.

- საბურავები;
- მინის მწმენდები ამპრაჟი მექანიზმით;
- ანთების საკონტაქტო ერთეულები, ნათურები;
- ამორტიზატორები;
- ავტომობილის შუშები, სარკეები;
- სალონის ჩიხოლები და გადასაკრავები,
- საქარე მინის და ფარების მისასხმელის სითხე;
- სამუხრუჭო და საჭის ჰიდროგამამლიერებლის სითხე;
- კონდენციონერის მაგრილებელი ელემენტი (ფრეონი);
- საკისრები და ჯვარედინები
- გადამბულობის ქურო, დისკი, დამწოლი საკისარი
- დამქოქი აკუმულატორი
- სხვა ცვეთადი ნაწილები

V. გასაწევი მომსახურების ვადა და ადგილი

5.1 წინამდებარე ხელშეკრულებით განსაზღვრული სს „სსე“-ს Mitsubishi-ის ტიპის ა/მანქანის (Mitsubishi L200, სახ. №BK-602-BB) გასაწევი მომსახურების ვადაა - ხელშეკრულების გაფორმებიდან ეტაპობრივად, 2023 წლის 31 დეკემბრის ჩათვლით, „შემსყიდველის“ მიერ ავტოსატრანსპორტო საშუალების „მიმწოდებლის“ სერვის ცენტრში მიყვანიდან 1 (ერთი) სამუშაო დღის განმავლობაში.

ამასთან, მხარეები თანხმდებიან მასზედ, რომ აღნიშნული ვადები არ ეხება სათუნუქე-სამღებრო სამუშაოებს და დეფიციტურ დეტალებს, (სათაო ქარხანაში შეკვეთის საჭიროების შემთხვევაში), ხოლო სხვა შესასრულებელი სამუშაოების სირთულის გათვალისწინებით, მისი ვადები შესაძლებელია დაექვემდებაროს მხარეთა შორის დამატებით შეთანხმებას.

5.2 სს „სსე“-ს ავტოსატრანსპორტო საშუალების ტექნიკური მომსახურების (სერვისის სათადარიგო ნაწილებით) გაწევის ადგილია მიმწოდებლის სერვის ცენტრი: ქ. თბილისი, დავით აღმაშენებლის ხეივანი #197.

VI. მხარეთა პასუხისმგებლობა

6.1 „მიმწოდებლის“ მიზებით მომსახურების (სერვისის სათადარიგო ნაწილებით) დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი მომსახურების (სერვისის სათადარიგო ნაწილებით) ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი მომსახურების (სერვისის სათადარიგო ნაწილებით) სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 5% -ის ოდენობით

6.3 „შემსყიდველის“ მიერ ხელშეკრულებით გათვალისწინებული მომსახურების (სერვისის სათადარიგო ნაწილებით) ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად მიწოდებული მომსახურების (სერვისის სათადარიგო ნაწილებით) ღირებულების ანაზღაურებისას გამოკითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოკითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი/ინსპექტირება

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი/ინსპექტირება „მიმწოდებლის“ მიერ ნაკისრი ვალდებულებების შესრულებაზე.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

7.3 „შემსყიდველის“ მხრიდან ხელშეკრულების შესრულებაზე კონტროლს/ინსპექტირებას ახორციელებს სს „საქართველოს სახელმწიფო ელექტროსისტემის“ ტრანსპორტის სამსახურის უფროსის მოადგილე გიორგი პაიჭაძე

7.4 კონტროლი/ინსპექტირება განხორციელდება გაწეული ტექნიკური მომსახურების (სერვისის სათადარიგო ნაწილებით) ხარისხისა და მიწოდების ვადების შესაბამისობით ხელშეკრულების პირობებთან.

სს „სსე“-ის საკუთრებაში არსებული Mitsubishi-ის ტიპის ა/მანქანის (Mitsubishi L200, სახ.№BK-602-BB) ტექნიკური მომსახურების (სერვისი სათადარიგო ნაწილებით) შესყიდვა. „მიმწოდებელი“ შპს „კავკასუს მოტორსი“.

7.5 ტექნიკური მომსახურების (სერვისი სათადარიგო ნაწილებით) გაწევისას “შემსყიდველის” მიერ წინამდებარე ხელშეკრულების 7.3 ქვეპუნქტით განსაზღვრული პირი ამოწმებს გაწეული ტექნიკური მომსახურების (სერვისი სათადარიგო ნაწილებით) შესაბამისობას წინამდებარე ხელშეკრულების პირობებთან და აფორმებს შესაბამის ინსპექტირების აქტს, ფაქტობრივად გაწეული ტექნიკური მომსახურების (სერვისი სათადარიგო ნაწილებით) მიხედვით.

VIII. შესყიდვის ობიექტის მიღება-ჩაბარების წესი

8.1 მიღება-ჩაბარების აქტი ფორმდება დადებითი ინსპექტირების აქტის საფუძველზე, ეტაპობრივად, ფაქტიურად გაწეულ ტექნიკურ მომსახურებაზე (სერვისი სათადარიგო ნაწილებით).

8.2 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

8.3 “შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი არის სს “სსე“-ს დირექტორთა საბჭოს შესაბამისი წევრი ან/და შესაბამისი დეპარტამენტის უფროსი”.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს – მაჟორის არსებობის საკმარის დამადასტურებელ საბუთად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულად სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან/და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

სს „სსე“-ის საკუთრებაში არსებული Mitsubishi-ის ტიპის ა/მანქანის (Mitsubishi L200, სახ.№BK-602-BB) ტექნიკური მომსახურების (სერვისი სათადარიგო ნაწილებით) შესყიდვა. „მიმწოდებელი“ შპს „კავკასუს მოტორსი“.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული მომსახურების (სერვისი სათადარიგო ნაწილებით) ღირებულება.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIV. ხელშეკრულების მოქმედების ვადები

14.1 ხელშეკრულება ძალაში შედის ხელმოწერისთანავე და ხელშეკრულების მოქმედების ვადა ამოწურულად ჩათვლება მხარეებს შორის ხელშეკრულებით გათვალისწინებული პირობების შესრულებისთანავე მაგრამ არაუგვიანეს 2024 წლის 31 იანვრის ჩათვლით.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე.

15.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმცვერებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVI. კონფიდენციალურობა და გაუმჟღავნებლობა:

16.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XVII. მხარეთა რეკვიზიტები

“შემსყიდველი”:

სს „საქართველოს სახელმწიფო ელექტროსისტემა“
ქ. თბილისი, ბარათაშვილის ქ. 2

საიდ. კოდი: 204995176
სს „თი ბი სი ბანკი“
ბანკის კოდი: TBCBGE 22
ა/ა # GE02TB0600000102467636

გიორგი გელაშვილი
დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი

ბ.ა

“მიმწოდებელი”:

შპს „კავკასუს მოტორსი“
მის: ქ. თბილისი, დ. აღმაშენებლის ხეივანი #197
ტელ.: 2 527 527

ს/კ 436031768
სს „თი ბი სი ბანკი“
ბანკის კოდი: TBCBGE22
ა/ა # GE10TB7129636020100001

გიორგი ამაშუკელი
დირექტორი

ბ.ა

სს „სსე“-ის საკუთრებაში არსებული Mitsubishi-ის ტიპის ა/მანქანის (Mitsubishi L200, სახ.№BK-602-BB) ტექნიკური მომსახურების (სერვისი სათადარიგო ნაწილებით) შესყიდვა.
„მიმწოდებელი“ შპს „კავკასუს მოტორსი“.

**დანართი #1,
ფასების ცხრილი:**

Mitsubishi L200	რაოდ.	ფასი (ლარი დღგ-ს ჩათვლით)	მომსახურება (ლარი დღგ-ს ჩათვლით)	ჯამი (ლარი დღგ-ს ჩათვლით)	1000 კმ	9000 კმ	17000 კმ	25000 კმ	33000 კმ	41000 კმ
ძრავის ზეთი	7.4	20.00	15.00	163.00	163.00	163.00	163.00	163.00	163.00	163.00
ძრავის ზეთის ფილტრი	1	40.00	-	40.00	40.00	40.00	40.00	40.00	40.00	40.00
ჰაერის ფილტრი	1	150.00	-	150.00	-	-	150.00	-	150.00	-
სალონის ფილტრი	1	130.00	10.00	140.00	-	-	140.00	-	140.00	-
საწვავის ფილტრი	1	170.00	20.00	190.00	-	-	190.00	-	190.00	-
წინა ხიდის ზეთი	2	24.00	15.00	63.00	-	63.00	-	-	-	-
უკანა ხიდის ზეთი	3	24.00	15.00	87.00	-	87.00	-	-	-	-
გამანაწილებელი კოლოფის ზეთი	3	24.00	15.00	87.00	-	87.00	-	-	-	-
მექ. გადაცემათა კოლოფის ზეთი	3	24.00	15.00	87.00	-	87.00	-	-	-	-
სამუხრუჭე სითხე	1	70.00	60.00	130.00	-	-	-	-	-	130.00
წინა ხუნდები	1	250.00	20.00	270.00	-	-	-	270.00	-	-
წინა საყრდენი სამუხრუჭე დისკი	2	540.00	60.00	1,140.00	-	-	-	-	-	-
უკანა ხუნდები	1	300.00	45.00	345.00	-	-	-	-	-	-
სავალი ნაწილის შეპოხვა	1	-	15.00	15.00	15.00	15.00	15.00	15.00	15.00	15.00
ელექტრობის სრული დიაგნოსტიკა	1	-	40.00	40.00	-	-	-	-	40.00	-

„ხელშეკრულების ღირებულება“ შეადგენს 3,032 (სამი ათას ოცდათორმეტი) ლარს დღგ-ს ჩათვლით.

“შემსყიდველი”:

სს „საქართველოს სახელმწიფო
ელექტროსისტემა“

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

“მიმწოდებელი”:

შპს „კავკასუს მოტორსი“


გიორგი ამაშუკელი

დირექტორი

ბ.ა

სს „სსე“-ის საკუთრებაში არსებული Mitsubishi-ის ტიპის ა/მანქანის (Mitsubishi L200, სახ.№BK-602-BB) ტექნიკური მომსახურების (სერვისის სათადარიგო ნაწილებით) შესყიდვა. „მიმწოდებელი“ შპს „კავკასუს მტორსი“.

ა/მანქანის რეგისტრაციის მოწმობა



#	სახ. ნომერი	მარკა	მოდელი	VIN	წელი
1	BK-602-BB	MITSUBISHI	L200	MMBNGV546NH014997	2022

“შემსყიდველი”:

სს „საქართველოს სახელმწიფო ელექტროსისტემა“

გიორგი გელაშვილი

დირექტორი შესყიდვებისა და ლოგისტიკის საკითხებში, დირექტორთა საბჭოს წევრი
ბ.ა

“მიმწოდებელი”:

შპს „კავკასუს მტორსი“

გიორგი ამაშუკელი

დირექტორი

ბ.ა